



Jens Immanuelson, Siumut  
-/Maani

## **Pilersuisoq pillugu § 37 naapertorlugu apeqqutininut akissut**

Asasara Jens Immanuelson

Pilersuisoq pillugu apeqqutinnut qujanaq. Apeqqutini arlalinni KNI-p iluani aaqqissuussaaneq pineqarmat pisortaqarfippat KNI-mut saaffiginnippoq. Apeqqutit ataani akineqarput.

25-02-2014  
Sags nr. 2014-096039  
Dok. nr. 1498593

Postboks 1160  
Tlf: 34 50 00  
Fax: 34 55 05  
3900 Nuuk  
Email: pan@nanoq.gl  
www.naalakkersuisut.gl

### **1. Pilersuisoq A/S-ip qullersaqarfia Sisimiuniittoq qanoq amerlatigisunik sulisoqarpa?**

KNI ilisimatitsivoq Sisimiuni KNI-p qullersaqarfiani sulisut katillugit 110-usut. Qullersaqarfimmi sulisut sullissinermi ataatsimut suliassat arlallit suliarisarpaat Pilersuisup, Polaroilip aamma Neqip atortagaat.

### **2. Allaffeqarfiup qitiusumik Sisimiuni ingerlanneqarnera qanoq aningaasartuutigineqarpa?**

Sulliffeqarfiup ingerlatai arlallit unammillerfiummata qullersaqarfiup ingerlanneqarneranut aningaasartuutit ilisimatitsissutigineqarnissaat KNI-p kissaatiginngilaa.

### **3. Sinerissami pilersuisup immikkoortortaqarfii nunaqarfinniittut illoqarfinnilu avinngarusimasuniittut qullersaqarfiup Sisimiuni ingerlatitaaneranut qanoq akiliuteqartinneqarpat?**

KNI ilisimatitsivoq pisiniarfiit sullissinissaq pillugu isumaqatigiissummit akiliutinik pisartut Sisimiuni qullersaqarfiup ingerlanneqarnerani aningaasartuutit matussuserneqarnissaannut ukiumi naatsorsuusiortiusumi 2012-13 tapersiisimapput 42 %-nik. Pilersuisup pisiniarfii tamarmiusut 74 %-it missaannik, tassa nunaqarfinni illoqarfinnilu pisiniarfiit tapersiippat. Pisiniarfiit annertungaatsiartumik tapersiisarnerannut pissutaavoq Pilersuisup ingerlanneqarneranut qullersaqarfimmi ingerlanneqartut annertuumik tunngaviunerat.

### **4. Namminersornerullutik Oqartussat tapiissutaat qanoq amerlatigippat?**

Nioqqutissanik pilersuineranut akiliutit Sullissinissaq pillugu isumaqatigiissut naapertorlugu ukiumut 36 mio. kr.-upput. Aningaasanut inatsimmi immikkoortinneqarnikuupput kontomi 35.01.09-mi Nioqqutissanik pilersuineq.

### **5. Namminersornerullutik Oqartussat tapiissutaaniit nunaqarfinnut isorliunerusunilu tapiiffigineqartunut qanoq amerlatigisut agguataarneqarpat?**

Isuqaqatigiissummut akiliutit tamarmiusut pisiniarfinnut isuqaqatigiissummi ilaasunut agguarneqartarput. Agguarneqarnerat KNI-p 2012-13-imut ukiumoortumik nalunaarusiaani qup. 47-48-imi ersipput.

**6. Namminersornerullutik Oqartussat tapiissutaannik qanoq amerlatigisut qullersaqarfimmumut Sisimiuniittumut atorneqartarpat?**

KNI-p ilisimatitsissutigaa isumqatigiissummut akiliutit pisiniarfiit ataasiakkaat isertitaannut ilaasut, tassunga ilanngullugit pisiniarfiit ataasiakkaarlugit amerlasuukkaarlugillu tuniniaanerannit isertitat allat kiisalu suliffeqarfinnik allanik sullissinermut pisiniarfiit isertitaat, assersuutigalugu Mittarfeqarfimmiit.

Qullersaqarfiup ataatsimut suliassaannik ingerlatsinermut pisiniarfiit tapersiissutaat taamaammatt assigiinngitsuneersuupput. Tapersiissutit isertitsiviusut suuneri malillugit KNI-p naatsorsuutini agguarnikuunngilai, taamaammallu apeqqut akineqarsinnaanngilaq.

Neriuppunga KNI aamma Pilersuisoq pillugit apeqqutitit qulaani ilaatigut akineqartut.

Inussiarnersumik inuulluaqqsillunga

  
Steen Lyngé